

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**NACRT**

**ZAKON  
O IZMJENAMA I DOPUNAMA  
ZAKONA O PLAĆAMA I NAKNADAMA POLICIJSKIH SLUŽBENIKA  
FEDERACIJE BOSNE I HERCEGOVINE**

**Sarajevo, juli 2013. godine**

**ZAKON  
O IZMJENAMA I DOPUNAMA  
ZAKONA O PLAĆAMA I NAKNADAMA POLICIJSKIH SLUŽBENIKA  
FEDERACIJE BOSNE I HERCEGOVINE**

**Član 1.**

U Zakonu o plaćama i naknadama policijskih službenika Federacije Bosne i Hercegovine ("Službene novine Federacije BiH", broj 45/10), u članu 2. stav 1. tačka 7) u četvrtom redu, iza broja "27/05" riječ "i" zamjenjuje se zarezom, a iza broja "70/08" dodaju se riječ "i" i broj "44/11".

**Član 2.**

U članu 3. stav 1. u trećem redu iza riječi "budžet" dodaje se riječ "Federacije".

U stavu 2. riječi: "(Službene novine Federacije BiH, br.: 19/06, 76/08, 5/09, 32/09, 9/10 i 36/10, u daljnjem tekstu: Zakon o budžetu)" brišu se.

**Član 3.**

U članu 6. stav 1. mijenja se i glasi:

"Osnovna plaća policijskog službenika utvrđuje se množenjem osnovice za plaću iz člana 8. ovog zakona sa pripadajućim koeficijentom platnog razreda iz člana 9. ovog zakona i tako utvrđeni iznos uvećava se za 0,5% za svaku započetu godinu penzijskog staža policijskog službenika, a najviše do 20%".

**Član 4.**

U članu 7. stav 3. briše se.

**Član 5.**

Član 10. mijenja se i glasi:

"Zavisno od rizika, odgovornosti, složenosti ili posebnih radnih uvjeta na određenim radnim mjestima, direktor Federalne uprave policije (u daljnjem tekstu: direktor policije) za radna mjesta policijskih službenika u Federalnoj upravi policije (u daljnjem tekstu: Uprava policije), odnosno federalni ministar unutrašnjih poslova - federalni ministar unutarnjih poslova (u daljnjem tekstu: federalni ministar) za radna mjesta policijskih službenika u Federalnom ministarstvu unutrašnjih poslova - Federalnom ministarstvu unutarnjih poslova (u daljnjem tekstu: Federalno ministarstvo) odlučuju o određenom dodatku za posebne uvjete rada na takvim radnim mjestima.

Dodatak iz stava 1. ovog člana predstavlja dodatak na plaću koji policijski službenik ostvaruje i u slučajevima kada ne obavlja poslove i zadatke radnog mjesta na koje je postavljen odnosno raspoređen, osim u slučajevima suspenzije policijskog službenika koja je izrečena u skladu sa članom 114. Zakona o policijskim službenicima.

Dodatak iz stava 1. ovog člana iznosi do 30% od osnovne plaće.

Izuzetno, dodatak iz stava 1. ovog člana u iznosu do 50% od osnovne plaće mogu ostvarivati policijski službenici raspoređeni na radna mjesta u osnovnoj organizacionoj jedinici Specijalnoj policijskoj jedinici u Upravi policije.

Uz dodatak iz st. 3. i 4. ovog člana, federalni ministar za pojedina radna mjesta u Federalnom ministarstvu i Upravi policije u posebnim okolnostima može odrediti veći trajni dodatak u iznosu do 10% od osnovne plaće, s tim da za radna mjesta u Upravi policije federalni ministar određuje trajni dodatak na prijedlog direktora Uprave policije.

Policijskom službeniku koji ostvaruje iznos naknade po osnovu dodatka na plaću iz st. 3. i 5. ovog člana taj dodatak ne može biti veći od 30% od osnovne plaće, osim policijskim službenicima koji su raspoređeni na radna mjesta koja su od značaja za rukovođenje Upravom policije i izvršavanje pojedinih poslova i zadataka iz člana 2. stav 1. tač. 1. i 2. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 49/05), što će se bliže utvrditi u propisu iz člana 30. ovog zakona.

Policijskim službenicima koji ostvaruju iznos naknade po osnovu dodatka na plaću iz st. 3. i 5. ovog člana taj iznos ne može biti veći od 50% od osnovne plaće.

Uvjeti i posebne okolnosti koje se odnose na ostvarivanje dodatka na plaću utvrđene ovim članom, kao i radna mjesta na kojima se ostvaruje pravo na dodatke, te iznos visine dodatka bliže će se urediti u propisu iz člana 30. ovog zakona."

## **Član 6.**

U članu 11. stav 1. riječi: "Policijske akademije" zamjenjuju se riječima: "Federalnog ministarstva".

## **Član 7.**

U članu 12. stav 1. riječi: "(Službene novine Federacije BiH', br.: 43/99, 32/00 i 29/03)" i riječi: "(Službene novine Federacije BiH', broj 81/09), u daljnjem tekstu: Zakon o izvršenju budžeta)" brišu se.

U stavu 3. riječ "postavljen" zamjenjuje se riječju "raspoređen".

#### **Član 8.**

U članu 14. stav 2. riječi: "Federalna uprava policije (u daljnjem tekstu: Uprava policije)" zamjenjuju se riječima: "Uprava policije" i riječi: "Federalno ministarstvo unutrašnjih poslova (u daljnjem tekstu: Federalno ministarstvo)" zamjenjuju se riječima: "Federalno ministarstvo".

#### **Član 9.**

U članu 16. stav 1. u šestom redu iza riječi "ministarstvu" dodaju se riječi: "unutrašnjih poslova - Federalnom ministarstvu unutarnjih poslova".

U stavu 2. riječ "radnog" zamjenjuje se riječju "penzijskog".

#### **Član 10.**

U članu 23. stav 2. riječi: "raspoređeni u organizacionim jedinicama" brišu se.

#### **Član 11.**

U članu 40. stav 1. tačka 1) u trećem redu iza broja "27/05" riječ "i" zamjenjuje se zarezom, a iza broja "70/08" dodaju se riječ "i" i broj "44/11".

#### **Član 12.**

Ovaj zakon stupa na snagu narednog dana od dana objavljivanja u "Službenim novinama Federacije BiH".

## O B R A Z L O Ž E N J E

### I - USTAVNI OSNOV

Ustavni osnov za donošenje Zakona o izmjenama i dopunama Zakona o plaćama i naknadama policijskih službenika Federacije Bosne i Hercegovine sadržan je u odredbama člana IV.A.5.20.d Ustava Federacije Bosne i Hercegovine („Parlament Federacije nadležan je za donošenje Zakona o vršenju funkcija federalne vlasti“).

### II - RAZLOZI ZA DONOŠENJE ZAKONA

Tokom primjene Zakona o plaćama i naknadama policijskih službenika Federacije Bosne i Hercegovine utvrđeno je da postoje određena pravna rješenja koja otažavaju primjenu zakona u praksi. Također, došlo je do izmjena i dopuna određenih zakona na koje se poziva Zakon o plaćama i naknadama policijskih službenika Federacije Bosne i Hercegovine, te ih je potrebno usaglasiti.

### III - OBRAZLOŽENJE PRAVNIH RJEŠENJA

Članovima 1., 2., 7. i 11. izvršeno je usklađivanje s izmjenama i dopunama Zakona o policijskim službenicima Federacije BiH koje su objavljene u “Službenim novinama Federacije BiH”, broj 44/11, te sa Zakonom o budžetu Federacije BiH i Zakonom o izvršenju budžeta Federacije BiH.

Članom 3. izmijenjen je član 6. stav 1. Zakona, kojim je određeno utvrđivanje osnovne plaće policijskog službenika. Prema ovim izmjenama, osnovica se utvrđuje množenjem osnovice za plaću iz člana 8. ovog zakona sa pripadajućim koeficijentom platnog razreda iz člana 9. ovog zakona i tako utvrđeni iznos uvećava se za 0,5% za svaku započetu godinu penzijskog staža policijskog službenika, a najviše do 20%.

Članom 4. brisan je član 7. stav 3.

Članom 5. mijenjan je član 10. važećeg zakona. Ovim izmjenama je utvrđeno da, zavisno od rizika, odgovornosti, složenosti ili posebnih radnih uvjeta na određenim radnim mjestima, direktor policije za radna mjesta policijskih službenika u Upravi policije, a federalni ministar za radna mjesta policijskih službenika u Federalnom ministarstvu odlučuju o određenom dodatku za posebne uvjete rada na takvim radnim mjestima. Dodatak predstavlja dodatak na plaću koji policijski službenik ostvaruje i u slučajevima kada ne obavlja poslove i zadatke radnog mjesta na koje je postavljen odnosno raspoređen, osim u slučajevima suspenzije policijskog službenika koja je izrečena u skladu sa članom 114. Zakona o policijskim službenicima i iznosi do 30% od osnovne plaće, a policijskim službenicima raspoređenim na radna mjesta u osnovnoj organizacionoj jedinici Specijalnoj policijskoj jedinici taj dodatak iznosi do 50% od osnovne plaće. Također, uz dodatak iz st. 3. i 4. ovog člana federalni ministar za pojedina radna

mjesta u Federalnom ministarstvu i Upravi policije u posebnim okolnostima može odrediti veći trajni dodatak u iznosu do 10% od osnovne plaće, s tim da za radna mjesta u Upravi policije federalni ministar određuje dodatak na prijedlog direktora Uprave policije.

Policijskom službeniku koji ostvaruje iznos naknade po osnovu dodatka na plaću iz st. 3. i 5. ovog člana taj dodatak ne može biti veći od 30% od osnovne plaće, osim policijskim službenicima koji su raspoređeni na radna mjesta koja su od značaja za rukovođenje Upravom policije i izvršavanje pojedinih poslova i zadataka iz člana 2. stav 1. tač. 1. i 2. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 49/05), što će se bliže utvrditi u propisu iz člana 30. ovog zakona.

Policijskim službenicima koji ostvaruju iznos naknade po osnovu dodatka na plaću iz st. 3. i 5. ovog člana taj iznos ne može biti veći od 50% od osnovne plaće.

Uvjeti i posebne okolnosti koje se odnose na ostvarivanje dodatka na plaću utvrđene ovim članom, kao i radna mjesta na kojima se ostvaruje pravo na dodatke, te iznos visine dodatka bliže će se urediti u propisu iz člana 30. ovog zakona.

Članom 6. izvršena je izmjena u članu 11. stav 1., na način da su riječi: "Policijske akademije" zamijenjene riječima: "Federalnog ministarstva", s obzirom na to da policijski službenici mogu obavljati poslove i u drugim organizacionim jedinicama Federalnog ministarstva.

Članom 8. izvršena je izmjena u članu 14. stav 2., na način da su riječi: "Federalna uprava policije (u daljnjem tekstu: Uprava policije)" zamijenjene riječima: "Uprava policije" i riječi: "Federalno ministarstvo unutrašnjih poslova (u daljnjem tekstu: Federalno ministarstvo)" zamijenjene riječima: "Federalno ministarstvo". Ovdje je izvršeno usklađivanje sa skraćenicom koja je izvedena u članu 5. ovog zakona.

Članom 9. izvršena je dopuna u članu 16. stav 1., na način da su u šestom redu iza riječi "ministarstvu" dodate riječi: "unutrašnjih poslova - Federalnom ministarstvu unutarnjih poslova", a u stavu 2. riječ "radnog" zamijenjena je riječju "penzijskog". Ovim dopunama izvršeno je usklađivanje sa nazivom kolektivnog ugovora.

Članom 10. brisane su riječi: "raspoređeni u organizacionim jedinicama" u članu 23. stav 2.

Članom 12. određeno je kada Zakon stupa na snagu, što se vezuje za naredni dan od dana njegovog objavljivanja u "Službenim novinama Federacije BiH".

#### IV – FINANSIJSKA SREDSTVA

Za realizaciju ovog zakona nije potrebno osigurati dodatna sredstva u budžetu Federacije BiH.

**ODREDBE**  
**ZAKONA O PLAĆAMA I NAKNADAMA POLICIJSKIH SLUŽBENIKA**  
**FEDERACIJE BOSNE I HERCEGOVINE**  
**KOJE SE MIJENJAJU I DOPUNJUJU**  
**/PREČIŠĆENI TEKST/**

**Član 2. stav 1. tačka 7)**

7) “prekovremeni rad” je rad duži od punog radnog vremena utvrđen Zakonom o policijskim službenicima Federacije Bosne i Hercegovine (“Službene novine Federacije BiH”, br. 27/05, 70/08 i 44/11- u daljnjem tekstu: Zakon o policijskim službenicima).

**Član 3. st. 1. i 2.**

Finansijska sredstva za plaće, naknade i druga primanja policijskih službenika osiguravaju se u budžetu Federacije Bosne i Hercegovine (u daljnjem tekstu: budžet **Federacije**).

Vlada Federacije Bosne i Hercegovine (u daljnjem tekstu: Vlada Federacije) će radi nesmetanog funkcioniranja organa vlasti Federacije za korisnike budžeta na koje se odnosi ovaj zakon utvrditi jedinstveni isplatni koeficijent za obračun plaća u određenom postotku za fiskalnu godinu ukoliko to zahtijeva održavanje makroekonomske stabilnosti u skladu sa Zakonom o budžetima u Federaciji Bosne i Hercegovine.

**Član 6. stav 1.**

Osnovna plaća policijskog službenika utvrđuje se množenjem osnovice za plaću iz člana 8. ovog zakona sa pripadajućim koeficijentom platnog razreda iz člana 9. ovog zakona i tako utvrđeni iznos uvećava se za 0,5% za svaku započetu godinu penzijskog staža policijskog službenika, a najviše do 20%.

**Član 7. stav 3. brisan je**

**Član 10.**

Zavisno od rizika, odgovornosti, složenosti ili posebnih radnih uvjeta na određenim radnim mjestima, direktor Federalne uprave policije (u daljnjem tekstu: direktor policije) za radna mjesta policijskih službenika u Federalnoj upravi policije (u daljnjem tekstu: Uprava policije), odnosno federalni ministar unutrašnjih poslova - federalni ministar unutarnjih poslova (u daljnjem tekstu: federalni ministar) za

radna mjesta policijskih službenika u Federalnom ministarstvu unutrašnjih poslova - Federalnom ministarstvu unutarnjih poslova (u daljnjem tekstu: Federalno ministarstvo) odlučuju o određenom dodatku za posebne uvjete rada na takvim radnim mjestima.

Dodatak iz stava 1. ovog člana predstavlja dodatak na plaću koji policijski službenik ostvaruje i u slučajevima kada ne obavlja poslove i zadatke radnog mjesta na koje je postavljen odnosno raspoređen, osim u slučajevima suspenzije policijskog službenika koja je izrečena u skladu sa članom 114. Zakona o policijskim službenicima.

Dodatak iz stava 1. ovog člana iznosi do 30% od osnovne plaće.

Izuzetno, dodatak iz stava 1. ovog člana u iznosu do 50% od osnovne plaće mogu ostvarivati policijski službenici raspoređeni na radna mjesta u osnovnoj organizacionoj jedinici Specijalnoj policijskoj jedinici u Upravi policije.

Uz dodatak iz st. 3. i 4. ovog člana, federalni ministar za pojedina radna mjesta u Federalnom ministarstvu i Upravi policije u posebnim okolnostima može odrediti veći trajni dodatak u iznosu do 10% od osnovne plaće, s tim da za radna mjesta u Upravi policije federalni ministar određuje trajni dodatak na prijedlog direktora Uprave policije.

Policijskom službeniku koji ostvaruje iznos naknade po osnovu dodatka na plaću iz st. 3. i 5. ovog člana taj dodatak ne može biti veći od 30% od osnovne plaće, osim policijskim službenicima koji su raspoređeni na radna mjesta koja su od značaja za rukovođenje Upravom policije i izvršavanje pojedinih poslova i zadataka iz člana 2. stav 1. tač. 1. i 2. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 49/05), što će se bliže utvrditi u propisu iz člana 30. ovog zakona.

Policijskim službenicima koji ostvaruju iznos naknade po osnovu dodatka na plaću iz st. 3. i 5. ovog člana taj iznos ne može biti veći od 50% od osnovne plaće.

Uvjeti i posebne okolnosti koje se odnose na ostvarivanje dodatka na plaću utvrđene ovim članom, kao i radna mjesta na kojima se ostvaruje pravo na dodatke, te iznos visine dodatka bliže će se urediti u propisu iz člana 30. ovog zakona."

### **Član 11. stav 1.**

Na osnovu izuzetnih i objektivno ocijenjenih radnih rezultata policijskog službenika, direktor policije može odlučiti o jednokratnom dodatku na plaću tom službeniku do 30 % od osnovne plaće, a za policijskog službenika **Federalnog ministarstva** odlučuje federalni ministar.



### **Član 12. st. 1. i 3.**

Plaća policijskog službenika se obračunava za jedan mjesec unatrag, a isplaćuje za prethodni mjesec u skladu sa Zakonom o radu i Zakonom o izvršenju budžeta Federacije Bosne i Hercegovine.

Rješenje iz stava 2. ovog člana sadrži lične podatke policijskog službenika, čin, radno mjesto na koje je **raspoređen**, platni razred i sve elemente koji su uzeti u obzir za utvrđivanje visine plaće.

### **Član 14. stav 2.**

Naknada plaće za bolovanje preko 42 dana iz stava 1. ovog člana ostvaruje se po propisu kantona kojim se uređuje naknada za ovo bolovanje, s tim da razliku do pune plaće isplaćuje Uprava policije, odnosno Federalno ministarstvo u kojem se policijski službenik nalazi u radnom odnosu.

### **Član 16. st. 1. i 2.**

U slučaju prekovremenog rada, rada u neradne dane, noćnog rada i rada u dane državnih praznika, policijski službenik ima pravo na naknadu osnovne plaće srazmjerno vremenu trajanja tog rada uvećanu za postotak utvrđen Zakonom o policijskim službenicima ili Kolektivnim ugovorom za zaposlene u Federalnom ministarstvu **unutrašnjih poslova - Federalnom ministarstvu unutarnjih poslova** (u daljnjem tekstu: Kolektivni ugovor).

Obračun naknade iz stava 1. ovog člana vrši se od osnovne plaće bez dijela plaće po osnovu **penzijskog** staža.

### **Član 23. stav 2.**

Policijski službenici Federalnog ministarstva ostvaruju pravo iz stava 1. ovog člana u obliku naknade za ishranu za vrijeme rada (topli obrok) u iznosu od 1 % prosječne plaće u Federaciji prema posljednjem objavljenom statističkom podatku.

### **Član 40. stav 1. tačka 1)**

1) odredbe Zakona o policijskim službenicima Federacije Bosne i Hercegovine („Službene novine Federacije BiH“, br. 27/05, 70/08 i 44/11) koje se odnose na plaće, dodatke i ostale naknade ako su drugačije uređene ovim zakonom;